

Բերգինց, Կերբեկ, Բոգոն, Լէյլեկ—(արա-  
զիլ), Կըրբ (կործանուած), Զէրալի, Դե-  
յիբման-Գեբէ, Փէրիձոր<sup>1</sup>. Կարասայիդ,  
Յունուս, Կըզըլ—Հասան եւ Վարդեմիս  
գեղերը, որոնք իրենց անցեալ փառքերից  
թէեւ մերկացած են, թշուառ ու աղքատ,  
բայց նկատելի է, որ ամէն մի գեղ ունեցել  
է անցեալում իր ամբողջ ու զղեակը<sup>2</sup>: Այս

<sup>1</sup> Փէրիձոր եւ Վարդեմիս գեղերն ունին իրենց յա-  
տուկ առունները, որոց հին աւերակները ցոյց են ապիս, թէ  
գրանք պաշտամունքի տեղեր են եղել: Փէրիձորը աւելի  
բարձր է, իսկ Վարդեմիսը իր վարդաստաններով նուիրուած  
է եղել Անահիտին: Վարդեմիսի ձորը նման է Կաղզվանի Վար-  
դեհերի Վիշապազանց ձորին, ուր վարդի թփերը մշտն-  
ջենաւորապէս դալար են. վարդի կոկոններով զարդարուն:

<sup>2</sup> Ինչպէս որ Չերմեաի հովտի երկու կողմերը զար-  
դարուած են աչքադարեան, նախապատմական եւ պատմա-  
կան աւերակներով, Չերմեաի ակունքից, Յուրէն-Շէհերից եւ  
Կարապաղից երեք-չորս կիլոմետր հեռաւորութեամբ, նոյն  
Կազան-Բաշի լեռներից բղխած Շասկամ Մէյմուրազ եւ կամ  
Պարչամա առուակի շուրջը գտնուում են բազմաթիւ գեղեր,  
որոնք ինչպէս նկատելի է, դարձեալ չըջապատած են եղել  
Յուրէն եւ Օրթա-Վերան շէնքերի աւերակները: Սրանք Եփ-  
րատի ակունքներն են, Շաս վտակի շուրջը, որը իջնում է  
դարձեալ Կարնոյ շամբը միանալու Դումլու լեռներից իջած  
Դումլու վտակին: Այս գեղերից իրենց աւերակներով  
նկատելի են Ախուջիկ, Բաշքենդ, Բաշօվաջլի, Օլուխի,  
Ճատակ, Թոփրազ-Կալա եւ Իւչքիլիսա: Բաշօվաջլիը երկար  
ժամանակ Հովտիկի կենդրոնական ականի գերն է կատարել,  
եւ իսկական անունը անթափանցելի է մնացել: Օլուխին  
(Օլուխի = ծորակաւոր, ջրերը ծորակներով հաւաքող-ամ-  
փոփող) ջրերի բաժանման ջրաբախական կենդրոնը լինելու  
աւերակներ ունի: Թոփրազ-Կալան պարսկական հողաշէն  
որմերով է շինուած, իսկ Իւչքիլիսան մի հին վանք է, որը  
այնպէս աւերուած է որ պէտք է պեղել հիմքերը: որ գտնուելի  
ձեւերը եւ յատակագծերը: